



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2005. GODINU „BOSS“ BOSANSKA STRANKA

Broj: 09-07-6-680/06
Sarajevo, 17. april 2007. godine

SADRŽAJ:

MIŠLJENJE REVIZORA.....	2
1. UVOD.....	3
2. PREDSTAVLJANJE POLITIČKE STRANKE.....	3
3. OPIS PREGLEDA I KANCELARIJSKE REVIZIJE.....	3
Predmet kancelarijske revizije.....	3
Cilj kancelarijske revizije.....	3
Obim kancelarijske revizije.....	4
4. PRETHODNE REVIZIJE.....	4
5. NALAZI I PREPORUKE.....	4
5.1. NALAZI.....	4
5.2. PREPORUKE.....	5

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja „BOSS“ **Bosanske stranke** za 2005. godinu.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke, kontrolu izvoda iz poslovnih knjiga političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Utvdili smo da politička stranka nije postupala u skladu sa odredbama člana 8. stav 1. i 11. stav 3. Zakona o finansiranju političkih stranaka.

Na osnovu našeg pregleda, odnosno revizije finansijskog izvještaja, osim gornje napome ne nismo zapazili ništa značajno što bi ukazalo na druge nedostatke u izvještaju ili finansiranju ove političke stranke, te nije potrebno vršiti dodatnu reviziju u prostorijama stranke po članu 14. stav 7. Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja „BOSS“ Bosanske stranke za 2005. godinu.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05 od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja „BOSS“ je iskazao ukupne prihode u iznosu od 163.879,29 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u Uk.prih. %
1	Članarina	0,00	0,00%
2	Prilozi fizičkih lica	9.276,40	5,66%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	153.368,89	93,59%
8	Ostali prihodi	1.234,89	0,75%
	Ukupni prihodi:	163.879,29	100,00

U godišnjem finansijskom izvještaju politička stranka je iskazala ukupne rashode u iznosu od 149.922,98 KM.

2. PREDSTAVLJANJE POLITIČKE STRANKE

Naziv političke stranke: „BOSS“ Bosanska stranka. Skraćeni naziv stranke je „BOSS“.

Politička stranka je registrovana 24.05.2002.godine u Kantonalnom sudu u Tuzli, broj upisa R-I-4/2.

Sjedište političke stranke je u Tuzli, ulica Stari grad 9.

Lice ovlašteno za zastupanje stranke je Mirnes Ajanović, predsjednik.

Lice ovlašteno za podnošenje finansijskih izvještaja za 2005. godinu je Nedžad Zonić.

Prema podacima iz finansijskog izvještaja „BOSS“ nema organizacione dijelove nižeg nivoa (entitetske, kantonalne, opštinske).

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj „BOSS“-a za 2005. godinu i dodatna finansijska dokumentacija.

Cilj kancelarijske revizije je da revizor na bazi finansijskog izvještaja pokuša da ustanovi da li je stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskih izvještaja utvrdi određena kršenja Zakona,

ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim kancelarijske revizije finansijskih izvještaja obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i prihode od imovine.

4. PRETHODNE REVIZIJE

Nije vršena revizija finansijskih izvještaja.

5. NALAZI I PREPORUKE

5.1. NALAZI

a) Na osnovu obavljenog pregleda i kancelarijske revizije finansijskog izvještaja i dodatne finansijske dokumentacije utvrđeno je da je stranka prekršila odredbe člana 8. stav 1. Zakona o finansiranju političkih stranaka.¹

Pregledom finansijskog izvještaja za 2005. godinu i uvidom u bruto bilans i analitičke kartice utvrđeno je da „BOSS“ nije iskazao troškove zakupnine poslovnih prostorija niti ima vlastite poslovne prostorije.

„BOSS“ je uz finansijski izvještaj dostavio ugovor o davanju bez naknade prostorija u ulici Stari Grad 9, Tuzla, sklopljen sa Opštinom Tuzla, čime su prekršene odredbe člana 8. stav 1. Zakona o finansiranju političkih stranaka.

b) Na osnovu obavljenog pregleda i kancelarijske revizije finansijskog izvještaja i dodatne finansijske dokumentacije utvrđeno je da je stranka postupala suprotno odredbama člana 11. stav 3. Zakona o finansiranju političkih stranaka.²

Obrasci finansijskog izvještaja nisu popunjeni u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 10/04).

- Podaci iskazani na zbirnom obrascu ne odgovaraju podacima sa pojedinačnih obrazaca. „BOSS“ Bosanska stranka je iskazala priloge fizičkih lica na obrascu ukupnih prihoda u iznosu od 9.276,40 KM, dok su sredstva u tom iznosu iskazana na obrascu prihoda iz budžeta BiH- JRT BiH (Parlamentarna skupština BiH za rad parlamentarnih grupa).
- Politička stranka je pogrešno iskazala povrat takse za ovjeru za izbore na obrascu 3. f.

¹Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke partije.

²Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH.

- Ostali prihodi su iskazani u iznosu od 1.234,00 KM i prema podacima odnose se na uplatu od „Oslobođenja“ te su kao takvi trebali biti iskazani na obrascu priloga pravnih lica.

5.2. P R E P O R U K E :

Na osnovu uočenih nedostataka preporučuje se „BOSS“ Bosanskoj stranci:

- *da postupa u skladu sa odredbama člana 8. stav 1. i člana 11. stav 3. Zakona o finansiranju političkih stranaka.*

Hasida Gušić, šef Službe

Sanja Čabrilo, revizor